

شايب وبنت

أشاعوا أن الذئاب تفترس الناس
وأن هناك عصابات تخطف البنات.
قلبه الرهيف لم يطاوعه ترك بيته بدون حراسه. إدخر من قوت
عياله مرتبا لذلك الدركى المكلف بحراسة القرية.

الناس فى قريتنا يصيبهم الهزال وذلك الدركى تصيبه سمنة
عظيمة تجعله فى ملابس الميرى مرعبا ووجيها.
البنت تجرى على السكك ترج تفاحتها أمام عيون شباب القرية
المكسورة عيونهم من التعب والفقر.
قالت قابلة القرية:

البنت لازم تنستر
البالونة تنتفخ يوم بعد يوم وكل أهل القرية يضعون أصابعهم فى
آذانهم خشية لحظة الانفجار.
ينظر فى وجهها يلمح أشياء كثيرة مسجونة. فقط نظرات عتاب
قال بإستكانة وشت عنها ملامح وجهه التعب

- والعمل !

لازم تقدر تواجهه هو بياخد فلوسنا علشان يحميننا"

واللى فى بطن البت دا ابنه"

- ابنه إزاي هو إتجوزها !إمتى؟؟؟

- نقولوا للناس أنه إتجوزها

البت تبكى

- "هو متحامى فى البدلة الميرى والبندقية"

الام تصرخ فى وجه زوجها:

"-شرفك وعرضك .خلى عندك كرامة واجهه "

الأب ينتفض فجأة:

- أنا مش هسكت ..أنا لازم أخذ حق بنتى وإن شاء الله

اموت.

صوت طلقات الرصاص يقتل الصمت.

يتمرغ الأب فى دمانه

بينما ذالك الدركى يشير الى قوة الشرطة التى حوطت المكان

" هو دة الإرهابى ابن الكلب اللى بينشر الافكار الهدامة"

